

3 November 2011

Jaargang 4 – Uitgawe 37

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Die tjellis van Sarajevo

Nie met mag en krag sal jy slaag nie, maar deur my Gees, sê die Here die Almagtige. (Sagaria 4: 6)

Op Coenie de Villiers se nuutste CD, *Hart van glas*, is 'n snit wat 'n mens se emosies ontwortel. *Die tjellis van Sarajevo* is gegrond op die ware gebeure rondom die tjellis Vedran Smailović tydens die beleg van die stad Sarajevo. Terwyl die tjellis by die ruit uitkyk na honger mense wat toustaan vir 'n stukkie brood, tref 'n bom die stad en dood 22 mense. Die tjellis tree dan anders op as wat 'n mens sou verwag:

*Die tjellis van Sarajevo neem al wapen wat hy het,
neem sy tjello en musiek om Sarajevo te ontset.*

*Vir twee en twintig dae in sy manelpak op die plein,
vertolk hy die Adagio wat spreek van bloed en pyn.*

*Vir twee en twintig dae word die strate om hom stil;
val geen bom op Sarajevo om sy tjello se ontwil.*

*Die tjellis van Sarajevo wys aan hulle wat kan hoor
dat wapens, en selfs grofgeskut, teen musiek die stryd verloor.*

In Sagaria 4: 6 lees ons die bekende woorde: Nie deur krag of mag (geweld) nie, maar deur my Gees, sê die Here. Die Ou Afrikaanse Vertaling het *mag* hier met *geweld* vertaal. Serubbabel is besig met die herbou van die tempel na die Babiloniese ballingskap. In die vyfde naggesig wil God hom leer dat menslike vernuf en vaardigheid hom nie sal help om die tempel onder moeilike omstandighede te herbou nie. Ook sal die tipe geweld waarmee die tempel vernietig is nie 'n bydrae kan lewer om met sy projek te slaag nie. Die goue kandelaar met nege en veertig ligpunte is simbolies van God se kosbare en duursame teenwoordigheid. Wat leiers soos Serubbabel, die goewerneur, en Jesua, die hoëpriester, nodig het, is om te weet dat hul voorneme sal slaag omdat God se Gees by hulle teenwoordig is. Die Gees se manier vorm 'n teenpool van die krag, mag en geweld waarmee mense dinge wil laat slaag. God se Gees sluit nie menslike verantwoordelikheid uit nie, maar dien vir hom as aansporing en waarborg. Al lê die skynbaar onoorkombare struikelblokke soos berge voor hom, sal dit soos 'n gelykte word.

Jesus kon maklik ook van mag of geweld gebruikgemaak het toe Hy gevange geneem is en Petrus Malgus se oor afgekap het. Maar met die heling van sy vyand se oor het daar 'n baie sterker boodskap uitgegaan as wat met geweld die geval sou wees. Waar God se Gees werk, is dit soos met die tjellis van Sarajevo. In musiek is daar iets groots en iets wat ons gemeen het. Musiek word dikwels die hand wat die snare van die hart vir die oor van God stem. In musiek is daar iets universeel onweerstaanbaar. By die aanhoor van musiek is dit asof daar perspektief op die bom en gevolge kom. Dit word duidelik dat *wapens, en selfs grofgeskut, teen musiek die stryd verloor*.

Op 'n manier wil ons ook aan die Koninkryk van God help bou, maar voordat ons ons kry, probeer ons dit met eie vindingrykheid, krag en geweld vermag. Dit is egter wanneer ons na God se Gees luister dat ons die resultate behaal wat vir God aanneemlik is. Waar mense met die hulp van God se Gees werk en bou, is dit universeel onweerstaanbaar.

Skakels

Webblad van die Hervormde Kerk www.nhk.co.za

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

Ds Willie Botha, Lydenburg

BEROEPE EN STANDPLASE

Beroep ontvang

- **Ds André Swanepoel** van Vanderbijlpark-Suid na Newcastle
- **Ds Willem Breytenbach** van Hazyview/Sabie na die Belfast/Waterval Boven-kombinasie

Beroep aanvaar

- **Prop Andries Scholtz** na die Kuruman-kombinasie (deelyds)

Beroep bedank

- **Ds André Swanepoel** van Vanderbijlpark-Suid na Newcastle

PREDIKANTE EN GEMEENTES

- **Mnr Kobus Viljoen**, Administrateur, **se moeder**, tannie Ella Viljoen, is op Sondag 30 Oktober oorlede in die ouderdom van 86 jaar. Die begrafnisdiens vind op Maandag 7 November vanuit Gemeente Swartkop plaas. Ons innige meegevoel gaan aan mnr Viljoen en hul familie.

- Die **Belfast/Waterval Boven-kombinasie** het op 18 en 25 September afskeid geneem van **ds Fanie Hoffman** wat geëmeriteer het. Ons wens hom 'n geseënde rustyd toe.

- **Die volgende predikante verjaar tot 11 November**, en word hartlik geluk gewens.

- Donderdag 3 November: Di Petrus Harmzen (Gerdau/Hartbeesfontein) en Hennie Retief (beroepafwagting)
- Vrydag 4 November: Di Gerhard Kruger (Zwartruggens) en Gerhard Viviers (Laeveld)
- Sondag 6 November: Di Thys Redelinghuys (Roedtan) en Wikus van der Merwe (emeritus)
- Maandag 7 November: Di Fanie Beukes (Wesmoot) en Dirk van Rooyen (Carletonville)
- Woensdag 9 November: Ds Hannes Wolmarans (Secunda)
- Vrydag 11 November: Di Adriaan Roets (Swartkop) en Kobus van der Merwe (beroepafwagting)

- **Discovery Health Mediese Skema** het onlangs hul voordele en bydraes vir 2012 beskikbaar gemaak. Lede het weer die geleentheid om van plan te verander met intrede 1 Januarie 2012. Lede wat hul huidige planopsie wil verander, moet die nuwe inligting **voor 30 November** by Susan Moore by mannekrag@nhk.co.za of 086 580 0960 indien. Daar sal op Vrydag 18 November **inligtingsessies** aangebied word in die Dirk van der Hoffgebou, Jacob Maréstraat, Pretoria. Die **volledige skrywe** van Discovery Health is beskikbaar op die Kerk se webblad. Gaan na www.nhk.co.za → Nuus en gebeure → Kortnuus → Discovery Health Mediese Skema.

- Die **volgende vergaderings** vind tot 11 November plaas. Betrokkes moet hulself asseblief vergewis van die korrekte vergadertye en lokale.

- Vrydag 4 November: Predikantepensioenfonds
Personeelpensioenfonds
NHSV Dagbestuur



Ds André Swanepoel

Ds Willem
Breytenbach



Prop Andries Scholtz



Ds Fanie Hoffman

- o Donderdag 10 November: Kommissie van die AKV
- o Vrydag 11 November: Kommissie van die AKV

- **Let wel:** Die eerste **NHSV Dagbestuursvergadering** na afloop van die Nasionale NHSV Kongres vind soos hierbo aangedui plaas op **Vrydag 4 November om 08:30**, in plaas van op Saterdag 5 November soos vroeër geskeduleer.
- **Gemeente Magaliesmoot** benodig die dienste van 'n **orrelis** wat die begeleiding tydens oggenddienste kan waarneem. Diensaanvaarding 1 Desember 2011. Die gemeente is geleë tussen Pretoria en die Hartbeespoortdam. Kontak ds David Barnard by 083 441 1789.



- Teken voor die einde van November per SMS in op *Konteks*, en **wen 'n gratis webblad** vir die gemeente! Die gemeente wat die meeste SMS-intekeninge vir *Konteks* 2012 stuur, wen 'n gratis webbladontwerp van Delitech IT solutions (www.delitech.co.za). *Konteks* kos in 2012 R140 vir 10 uitgawes, en intekenaars se volkleurtydskrifte word maandeliks na die gemeente-adres gepos. Teken in deur 'n SMS met die volgende formaat na 45633 te stuur: "NHK Gemeentenaam Intekenaar" (bv NHK Philadelphia GJ du Toit). Let daarop dat elke SMS met NHK (*in hoofletters*) móét begin. Elke SMS kos R1,50. Die gemeente wat die gratis webblad wen, sal aan die begin van Desember in die laaste *e-Hervormer* van vanjaar aangekondig word.

- **NHSV beurse en lenings 2012.** Die NHSV beskik oor beurse/lenings vir studente in enige studierigting. Slegs lidmate van die Nederduitsch Hervormde Kerk kwalifiseer vir die toekennings. Die lenings/beurse wissel van R2 000 tot R6 000. Aansoekvorms kan aangevra word van 012 325 0117 of nhsvadmin@nhk.co.za. Besoek ook die webwerf www.nhsv.co.za. Die sluitingsdatum vir aansoeke is **15 November 2011**. **Geen laat aansoeke word aanvaar nie**. Kontak die NHSV kantoor vir meer inligting.

- **Beurs beskikbaar vir Hervormde student.** 'n Lidmaat van Gemeente Potchefstroom Die Wilge wil graag 'n (behoefte) student help. Die beurs behels studiegelde, inskrywingsfooie en verblyf; die student is verantwoordelik vir sakgeld, aankoop van boeke, vervoer, klerasie, persoonlike benodighede, kos, ensovoorts.

Universiteit: Noordwes-Universiteit (Pukke).

Rigting: LLB-studente sal voorkeur geniet.

Vereistes: Dissipline en prestasie (die beurs verval met die eerste driuipvak).

Aansoeke en navrae aan ds Jaap Steenkamp by jaapsteenkamp@nhk.co.za; dit moet vergesel wees van die laaste twee jaar se skoolrapporte/puntestate, 'n CV, 'n motivering, en 'n getuigskrif van 'n leraar of begeleidende brief van die kerkraad.

- **Ds Larry van der Walt** is besig met 'n **produksie** wat die gebeure rondom die geboorte van Jesus vertel vanuit die oë van die mense rondom Hom. Die produksie is veral gemik op die verwagting van die Messias (Advent), en die verhaal word vertel deur middel van musiek, drama en ander media. Dit vorm ook deel van 'n groter produksiereeks wat handel oor die lewe van Jesus en wat sal saamloop met die liturgiese jaar. Die produksie sal op die planke wees van **20 tot 27 November 2011**. Ds Larry benodig akteurs in die Pretoria-omgewing wat kan sing. Daar moet ook koste aangegaan word vir kostuums, stelopset, rekwisiete, toerusting en reis. Enigeen wat op enige manier by die produksie betrokke wil raak, kan ds Larry kontak by 082 666 0261 of larry@newtestament.co.za.





- **Eerstejaarskampe 2012**
 - **Potchefstroom-Studente: Dinsdag 10 tot Vrydag 13 Januarie**
R800 per persoon, verblyf, etes en 'n T-hemp ingesluit
Kontak dr Rudy Denton by 082 459 9710 of rudy@nhk.co.za
of Terzie Denton by 082 475 4618 of Marle Geel by 082 861 2799
 - **Stellenbosch Hervormers Aanvangskamp 2012**
Saterdag 21 Januarie tot Dinsdag 24 Januarie
Kom by kerk byeen vanaf 12:00 en vertrek 13:00 na kampterrein
Besonderhede sal gestuur word
Kontak ds Chris le Roux by 082 905 0818 of stellenbosch@nhk.co.za
 - **Philadelphia Tuks Eerstejaarskamp 2012**
Saterdag 21 Januarie tot Woensdag 25 Januarie
Kampterrein naby Brits
Sluit aan by groep op Facebook "TUKS NHK Philadelphia EJK 2012"
Registreeer by www.philadelphia.co.za
Bring 'n vriend of vriendin na die kamp en kry R50 afslag
Kontak Aniena (bemarker) by 082 293 9755,
Timo (kampbestuurder) by 083 426 3599,
ds Martin Slabbert by 082 655 4787
of dr Sanrie de Beer by 083 226 1866
 - **Bloemfontein Kougom Eerstejaarskamp**
Sondag 8 tot Donderdag 12 Januarie
R660 per persoon
Kontak ds Willem Dykema by 082 560 4772
of Giselle Fourie (kampvoorsitter) by 082 649 6527

Konserte en feeste

- **Sondag 6 November 19:00: Gemeente Bronkhorstspuit: Sangaand Kersliedere by Kerslig**
Kom sing saam met ons oor die koms van Jesus
Navrae by 013 932 2929
- **Vrydag 11 November tot Sondag 13 November**
Gemeente Wonderboom-Suid
10de Laan
Tema bejaardesorg – naweek soos aan begin van vorige eeu
Vrydag: Tradisionele kermis vanaf 16:30
Saterdag: Trek laer, aand voorbereidingsdiens, belydenis van geloof en gemeentevergadering
Sondag: Nagmaal, dankseggingdiens, doop en ete
Trek tradisioneel aan (dames met hoede, kerkraad met strikdasse, ens)
Navrae aan voorsitter van Goud en Silwer Bedieningsgroep,
Valie Viljoen (012 331 0797)

Sportbyeenkomste

- **Saterdag 12 November: Gemeente Bronkhorstspuit**
Karp-hengelkompetisie by Vlooiakopdam
R100 per hengelaar met 2 stokke
Kaartjies te koop vanaf 04:00, hekke oop sodra dit lig word
Inweeg 16:00
1ste prys slagos; 2de prys R1 000; baie ander pryse
Navrae aan Frans le Roux (082 892 1325)



- **TUINWOONSTEL TE HUUR**

Rietondale, Pretoria

Rustige woongebied noord van die Uniegebou, lae misdaadrekord Digby die universiteite, Brooklyn, hospitale en die middestad Netjies en privaat

Een slaapkamer, badkamer, kombuis, L-vormige sit-/eetkamer, voorstoep en onderdakgerstoep met privaattuintjie

Onderdakparkering

Geen troeteldiere

Word verhuur as enkelpersoonwoonstel

Huurder moet omgewing se rustigheid, stilte en stabiliteit waardeer en handhaaf

Huurtermyn 1 Februarie 2012 tot 31 Desember 2012, met opsie om te verleng

(Okkupasie voor 1 Februarie kan onderhandel word –

huidige huurder trou 28 Januarie)

Huurgeld R2 800 per maand plus verbruik van elektrisiteit (deposito R3 000)

Meer besonderhede by Jan Oberholzer 082 851 1081 of jan@nhk.co.za

Basaars en markte

- **Vrydag 4 November: Gemeente Noordwestelike Pretoria: Varkmark**

R90 per persoon – sluit in ete en vertoning deur sanger Manie Jackson

Varkvleisprodukte soos ribbetjies, eisbein, *gammon*, gerookte ham, ens Heel varke ook beskikbaar

Skakel 083 781 2955 vir kaartjies, aankope of inligting

- **Saterdag 5 November: Gemeente Koster: Kersmark**

09:00 tot 14:00

hv Sauer-, Union- en Merrimanstraat

Verskeie handgemaakte produkte en gebak, teetuin

Kontak Paula by 082 585 7487 of Grieta by 082 945 2828

- **Saterdag 17 Desember: Gemeente Wesmoot: Christusfeesmark**

By Makro Wonderboom, toegang gratis

Stalletjies teen R200 – bespreek nou

Met Lance James, Rodeo Girls, Hendrik Britz en Miranda

Kontak Carla Greyling by 082 376 9239

- **Saterdag 28 Januarie 2012: Gemeente Nelspruit**

Maroelafees en Buitelewe-ekspo

By Nelspruit Rugbyklub

In hoogseisoen van die maroela

Van 08:00 tot laatmiddag, toegang gratis

Gesinsvermaak

Verskeie maroelaprodukte, geregte, resepteboeke te koop

Woonwaens, tente, kampeertoerusting, veldvoertuie, kragopwekkers

Kontak gemeentelike kerkkantoor by 013 741 1455 vir meer inligting

ANDER NUUS

- 'n Vennoot van die **To Care Foundation** het nou onmiddellik 'n geleentheid vir 'n **gestremde persoon** om GRATIS 'n kursus in *New Venture Creation* te deurloop. Die bedoeling van die kursus is om **werklose mense** in staat te stel om 'n onderneming van hul keuse op die been te bring en suksesvol te bedryf. Die persoon sal ook 'n geakkrediteerde sertifikaat van bywoning vir die kursus ontvang. Belangstellendes kan dr Wouter van Wyk, sekretaris van To Care, kontak by 082 339 2332.





- **Vakature.** Die Direksie van die Kinderhuise van die Nederduitsch Hervormde Kerk van Afrika wag aansoeke in vir die pos van **Bestuurder by die DPS-huise**. Persone wat aansoek doen, moet aan die volgende vereistes voldoen:
 - o Meelewende lidmaat van die Hervormde Kerk.
 - o Veelsydige bestuursvaardighede.
 - o Moet finansiële state kan opstel en interpreteer.
 - o Vermoë om as lid van multi-professionele span te funksioneer.
 - o Goeie kommunikasie- en organisasievaardighede.
 - o Basiese kennis van die kind en kinderopvoeding.
 - o Basiese kennis van die Kinderwet sal 'n aanbeveling wees.
 - o Onderhandelingsvaardighede.
 - o Rekenaarvaardig in ten minste Microsoft Office.
 - o Ten volle tweetalig.
 - o Naskoolse kwalifikasie/opleiding sal 'n aanbeveling wees.
 - o Geldige rybewys.

Onderhandelbare salaris met normale diensvoorwaardes.

Diansaanvaarding: 1 Januarie 2012.

Sluitingsdatum: 21 November 2011.

Aansoeke met CV moet gerig word aan: Mev Susan Moore, Posbus 2368, Pretoria 0001; mannekrag@nhk.co.za; faks 012 322 7909. Tel 012 322 8885.

- Die **Ondersteuningsraad in Pretoria** reël twee **Kersfunksies** vir hul **behoefteige bejaardes** en **behoefteige kinders** tussen 1 en 11 jaar. Enige persoon wat 'n bydrae wil maak, kan Esta Stieler kontak by 012 325 2320 / 1 / 2 / 3 / 4.

- **DIE ONDERSTEUNINGSRAAD: VAKATURE**

- **Ring van Rustenburg**

- **Kerklik-Maatskaplike Werker**

- Halfdagpos beskikbaar in Rustenburg

- Vir lewering van pleegsorgtoesigdienste by Diagonale Pleegsorghuis

- asook dienslewering aan lidmate van die Hervormde Kerk

- **Ononderhandelbare vereistes:** Registrasie by Raad vir Maatskaplike Diensberoep, geldige bestuurslisensie, ervaring in statutêre werk, en vereenselwiging met etos van die Hervormde Kerk. Salaris bepaal deur jare ervaring.

- **Aansoek aan** mev Mariaan Steenkamp by mariaans@nhk.co.za of faks 012 322 5787.

- **DIE ONDERSTEUNINGSRAAD: ANDER VAKATURES**

- o Programbestuurder (halfdagpos): Minimum 6 jaar statutêre ervaring in maatskaplike werk; vorige bestuurservaring 'n aanwinst; Rustenburg/Potchefstroom/Klerksdorp
 - o Maatskaplike Werkers: Tarlton, Krugersdorp, Pretoria en Brakpan (2)
 - o Maatskaplike Hulpwerkers: Klerksdorp en Brakpan

- **Vereistes:** Registrasie by Raad vir Maatskaplike Diensberoep; kode 8-bestuurslisensie. Kontak Mariaan Steenkamp by mariaans@nhk.co.za of Charmaine Fourie by oraadpb@nhk.co.za, 012 322 8885 x313 of 071 684 7796.

- Teologiestudente en jong predikante kan 'n opleidingsgeleentheid van **8 Junie tot 1 Julie 2012** by die Global Institute of Theology in **Indonesië** bywoon. Navrae aan: Christopher Dorn, Intern, Office of Theology and Communion, World Communion of Reformed Churches, 150 Route de Ferney, POB2100, 2 Geneva 1211, e-mail csd@wcrc.ch.

- Ondersteun **Beeld-Kinderfonds**, maak 'n donasie van **R25 of meer**, en wen dalk een van 3 groot pryse: 'n Peugeot 207; 'n luukse skeepsreis vir 2 persone na Madagaskar en Réunion; of 7 nagte in 'n villa in Mosambiek. Die kompetisie sluit op **6 November**. SMS **PEUGEOT** na **32541** teen R25 per SMS. Meer as 10 000 kinders word jaarliks gehelp met die fondse. Bydraes aan Beeld-Kinderfonds is belastingaftrekbaar!
- Die **Sinodale Kerkkantoor sluit** op Donderdag 22 Desember om 12:00 en **heropen** op Dinsdag 3 Januarie 2012.
- Die **laaste e-Hervormer** van vanjaar verskyn op **Donderdag 1 Desember**. Die **eerste uitgawe van 2012** verskyn op **Donderdag 12 Januarie**.

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die e-Hervormer geplaas word. Dit bestaan hoofsaaklik uit teks (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Die teks moet saam met die bewys van betaling gestuur word aan mev Tessa Oppermann, per e-pos na **produksie@nhk.co.za**, of per faks na 086 633 4059. **GEEN** advertensie sal geplaas word sonder dié bewys nie. Die teks en bewys van betaling moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R114 per plasing.** (*Die prys styg in Januarie – adverteer dus nou!*)

Die verskuldigde bedrag moet uitgemaak word aan:
Raad van Finansies
ABSA Bank
Tjekrekening nommer 020-000-287
Takkode 632-005
Verwysing: u naam + e-Hervormer Ads

AGTERBLAD

SENTIK-publikasies

Gemeentes se bestellings van SENTIK-publikasies vir 2012 moet so spoedig moontlik ontvang word. Die sperdatum was reeds einde Oktober.

Die katalogus en bestelvorm is op 13 Oktober saam met die *e-Hervormer* uitgestuur. Albei kan ook gevind word op die Kerk se webblad by **www.nhk.co.za** → Publikasies → Boekwinkel → Katalogus 2012.

Stuur bestellings aan SENTIK, Posbus 5777, Pretoria 0001. Kontak mev Susann van Zyl by tel 012 322 8885 x291, faks 086 633 4054, e-pos **sentik@nhk.co.za**.

